

早前播畢的劇集《婚後事》掀起全城熱話，無綫食住個勢，推出由《婚》劇幾位主角主持的綜藝節目《香港婚後事》，繼續探討愛情與婚姻的問題。黎諾懿笑言有壓力，擔心節目播出後被老婆捉錯處，會拿別人的老公作比較。陳自瑤則稱聽完嘉賓分享教育子女的心得後，獲益良多。

陳自瑤拍《香港婚後事》有得着

黎諾懿壓力大 驚俾老婆捉錯處

由黎諾懿、陳自瑤 (Yoyo) 與賴慰玲主持的無綫節目《香港婚後事》，昨日在將軍澳電視城舉行記者會，節目邀得吳若希、姚子羚、羅子溢、李丞責、單立文、胡蓓蔚、連詩雅、龔慈恩等擔任嘉賓，探討婚姻愛情關係。

節目模式是主持人與嘉賓於 Glamping (豪華露營) 中真情對話，賴慰玲自爆拍攝時難得放鬆，開心到飲醉。她指嘉賓中印象最深是吳若希：「因為大家都覺得佢御夫有術，但實際上係佢哋相處模式，佢哋兩公婆係好恩愛。」黎諾懿對充滿智慧的李丞責以情感角度分享夫妻關係印象最深。

Yoyo 坦言非常欣賞單立文 (豹哥) 與胡蓓蔚互窒的相處方式：

「感覺到佢哋相處得好開心，豹哥唔單止 Man，仲係好男人。」賴慰玲則讚有「女神收割

機」之稱的羅天宇是暖男，明白對方為何會如此受女士歡迎，3人均笑言會在節目中向羅天宇進行大逼供。

3人均已婚，問到主持節目後對自己的婚姻可有得着？賴慰玲直言婚姻關係有所增長，因為3日沒見老公，已很掛住對方。黎諾懿笑說：「更差！因為太太對我要求好高，涉及太太嘅題材要更加小心，相信節目播出時太太會同我一齊睇，然後搵錯處，佢會話『人哋老公係點』，嗰兩星期會好大壓力。不過如果呢十幾年冇佢嘅鞭策，我都係一舊垃圾。」Yoyo 稱最緊張女兒踏入反叛期的處理方式，聽完龔慈恩分享子女的教育心得後，令她獲益良多。

■左起：賴慰玲、黎諾懿與陳自瑤再次合作，默契十足。



■賴慰玲拍完節目後，與老公感情更好。



■陳自瑤最緊張女兒踏入反叛期。

張家輝狂讚老婆正

曲線讚自己好眼光



■張家輝與周勵淇合力宣傳新片。

張家輝與周勵淇等前晚到九展出席電影《超意神探》首映禮，於片中飾演記憶力異於常人的家輝笑言：「以前喺無綫拍古裝劇，一口氣背頁零兩頁紙對白完全冇問題，不過現實中要處理自己嘅嘢，特別容易冇記性。」談到太太詠詠早前復出拍廣告，獲網民讚保養得宜，家輝自豪說：「佢不嬲都係正。(喺屋企望住佢都話正?)有呀，我真係同佢講『你老有老靚』。我唔係係佢，佢真係成日呈現到佢係一個好靚嘅人，如果唔係我做咩成日收埋佢喺屋企?(讚自己好眼光?)都係佢好彩啫。(咁你有冇壓力?)我本身都係一個靚仔，有咩壓力呀?你哋唔係未見過呢啲混血兒呀?番禺滿廣州，哈哈!」

提到《超》片在內地變了「網大」，家輝稱不介意：「演員崗位係做好演嘅事，唔係做決策，今次故事同人物賦予嘅元素好豐富，我諗有七演員擺到呢個劇本唔想去做，我作為演員竭盡所能去做，至於幾時上、咩地方上、宣傳策略，同我有七關係。我有刻意唔做網大，網大都係演戲，我唔排除將來會演網大，如果遇到心動角色或班底都會參與。」

鄭融想駁高 討厭着高蹺鞋

由鄧小巧主理的網上音樂節目《Singaholic》，最新一集邀得鄭融任嘉賓。小巧表示現時多了不同身形的藝人，不再是以往千篇一律的纖瘦，鄭融笑言自己的身高已說明一切：「我真係得5呎。」鄭融又自爆早前被朋友問若整容，會整什麼部位：「駁高個人囉！哈哈，我又冇乜嘢想整。整容係好痛，但係着高蹺鞋都好痛，代價好大！好多時候真係開工先着，一返到後台即刻轉拖鞋，嗰種痛係痠同埋麻。」小巧亦說：「試過除咗鞋後，我啲腳趾掂唔到落地，好痛！」

■小巧(左)與鄭融傾到手舞足蹈。



■東東造型時尚。



陳曉東除衫影相嗌尷尬

陳曉東宣布啟動入行30周年紀念Reflection世界巡迴演唱會，本月30日在廣州舉行啟動儀式，並會公布場次及日期。據知，當日東東亦會跟歌迷舉行見面會，他說：「各地歌迷都話想嚟發佈會、一定會睇演唱會，所以主辦方安排現場簽名，同埋有紀念品答謝佢哋。」另外，東東戴上猶如白色雕塑般的通隆高頸頸箍拍宣傳海報，感覺時尚。拍攝期間，他被導演要求脫掉外衣，東東笑言：「第一次拍海報被人剝衫影，加上佢哋有拍幕後花絮，我只能邊影邊尷尬笑。」